

Statuts



Forum Intercultural Mustér FIM

Cuntegn

I.	Num, sedia ed intent	2
	Art. 1	2
	Art. 2	2
II.	Commembradi	2
	Art. 3	2
	a) Commembers activs	2
	b) Commembers passivs	2
	Art. 4	2
III.	Scadenza da commembradi	3
	Art. 5	3
IV.	Exclusiun	3
	Art. 6	3
V.	Dretgs ed obligaziuns dils commembers.....	3
	Art. 7	3
	Art. 8	3
VI.	Contribuziun da commembradi	3
	Art. 9	3
VII.	Organisaziun	4
	Art. 10	4
VIII.	Radunonza generala	4
	Art. 11	4
	Art. 12	4
	Art. 13	4
IX.	Suprastonza	5
	Art. 14	5
	Art. 15	5
X.	Revisurat	5
	Art. 16	5
	Art. 17	5
XI.	Finanzas e responsablada.....	6
	Art. 18	6
	Art. 19	6
XII.	Midada dils statuts	6
	Art. 20	6
XIII.	Dissoluziun	6
	Art. 21	6
XIV.	Determinaziuns finalas	7
	Art. 22	7

I. Num, sedia ed intent

Art. 1

Num e sedia L'uniun Forum Intercultural Mustér FIM ei in'uniun ch'ei politicamein e confessionalmein neutrala el senn digl art. 60 ss. dil Cudisch civil svizzer CCS culla sedia a Mustér.

Art. 2

Intent *Intent dall'uniun:*
Il Forum Intercultural Mustér:
a) tgira la cultura en las pli differentas fuormas
b) tgira ils contacts enteifer las minoritads dallas differentas gruppaziuns da lungatg
c) promova il scomi cultural

II. Commembradi

Art. 3

L'uniun secumpona da:

- a) Commembers activs
- b) Commembers passivs

a) Commembers activs

Commembers activs Commembers activs ein las personas che procuran per las activitads dall'uniun ed il commember ex officio che representa la suprastonza communal.

b) Commembers passivs

Commembers passivs Commembers passivs ein personas che sustegnan l'uniun cun ina contribuziun annuala.

Art. 4

Recepziun Sur d'ina recepziun d'in commembradi decida la suprastonza. Ella sa refusar la recepziun senza motivaziun.

III. Scadenza da commembradi

Art. 5

La scadenza d'in commembradi succeda entras ina extrada communicada a scret u exclusiun.

Scadenza

IV. Exclusiun

Art. 6

In'exclusiun dall'uniun succeda entras la suprastonza:

Exclusiun

- a) sch'il commember cunterfa als statuts ni agl interess dall'uniun
- b) il commember pertuccau ei da tedlar avon l'exclusiun
- c) sch'il commember paga buca la contribuziun annuala malgrad ina admoniziun

Negin commember ha il dretg sin la facultad.

V. Dretgs ed obligaziuns dils commembers

Art. 7

Il commembers activs ein obligai da segidar cun l'organisaziun d'occurrenzas dall'uniun ed han il dretg da vuschar alla radunonza generala e sestentan pils interess dall'uniun.

Commembers activs

Art. 8

Il commembers passivs ein obligai da pagar la contribuziun annuala ed han il dretg da vusch consultativa alla radunonza generala.

Commembers passivs

VI. Contribuziun da commembradi

Art. 9

La contribuziun vegn fixada mintg'onn a caschun dalla radunonza generala:

Contribuziun

- a) La suprastonza ei deliberada dalla contribuziun annuala.
- b) Il commembers activs e passivs ein obligai da pagar la contribuziun annuala.

VII. Organisaziun

Art. 10

Organs

Organs dall'uniun ein:

- a) la radunonza generala
- b) la suprastonza
- c) il revisorat

VIII. Radunonza generala

Art. 11

Radunonza
generala

- a) La radunonza generala ei igl organ suprem dall'uniun. Ella ha liug mintg'onn enteifer igl empren quartal digl onn e vegn convocada dalla suprastonza.
- b) In tschunavel dils commembers activs san pretender ina radunonza extraordinaria che sto succeder enteifer dus meins suenter l'inoltraziun dalla damonda.
- c) L'invitaziun als commembers cun la gliesta da tractandas succeda a scret entras la suprastonza silmeins diesch dis avon la radunonza generala. Ina invitaziun electronica ei pusseviva e valeivla.

Art. 12

Obligaziuns
e cumpa-
tenzas

Alla radunonza generala ein las suandontas fatschentas suttamessas:

- a) Approbaziun e midadas dalla gliesta da tractandas
- b) Approbaziun dil protocol dalla davosa radunonza generala
- c) Prender enconuschientscha dil rapport dalla suprastonza
- d) Approbaziun dil rendaquen, prender enconuschientscha dil rapport dils revisurs e dar scarica alla suprastonza
- e) Elecziuns
- f) Fixar la contribuziun annuala
- g) Mutaziuns
- h) Revisiun dils statuts

Scadina radunonza dall'uniun convocada conform als statuts ha il dretg da prender decisiuns.

Art. 13

Elecziuns/
votaziuns

- a) Sch'ei vegn buca pretendiu scrutini, succedan las elecziuns e votaziuns per regla cun maunpli.
- b) Las decisiuns ein valeivlas, sch'ellas han la majoritad dallas vuschs dils commembers ch'ei presents alla radunonza generala.

IX. Suprastonza

Art. 14

¹ La suprastonza secumpona da silmeins tschun commembers; president; actuar/vicepresident, cassier e dus assessurs cun in temps d'uffeci da mintgamai treis onns.

Consti-
tuziun

² Cun excepziun dil presidi seconstituescha la suprastonza sesezza. Il president vegn eligius alla radunonza generala.

Art. 15

- a) La suprastonza meina las fatschentas currentas e representa l'uniun anoviars.
- b) La suprastonza seraduna aschi savens sco las fatschentas pretendan.
- c) La suprastonza procura ch'ei vegni observau ils statuts ed ademplieri ils conclus dalla radunonza generala.
- d) La suttascripziun legalmein valeivla dall'uniun ha il president ensemen cun igl actuar/vicepresident.
- e) La suprastonza ei cumpetenta da decider, sche silmeins la mesadad dils commembers ein presents. Conclus sin basa da corrispundenza ein pusseivels.

Obligaziuns
e cumpe-
tenzas

Ulteriuras obligaziuns e cumpetenzas dalla suprastonza:

La suprastonza decida tuttas fatschentas che cumpetan buca als auters organs.

Ressorts

X. Revisurat

Art. 16

¹ La radunonza generala elegia dus revisurs da quen. Lur temps d'uffeci cuoza treis onns.

Constitu-
ziun

Art. 17

¹ Ils revisurs da quen examineschan il rendaquen dall'uniun e redegian in rapport a scret per mauns dalla radunonza generala

Obligaziuns

XI. Finanzas e responsablada

Art. 18

Entradas

Ils mieds finansials dall'uniun secumponan da:

- a) Contribuziuns annualas dils commembers
- b) Entradas ord projects ed occurrenz
- c) Entradas entras fautors e donaturs

Il quen vegn serraus giu cun la fin digl onn calendar.

Art. 19

Respon-
sablada

L'uniun stat buna per pretensiuns finansials exclusivamein mo cun l'atgna facultad. Ina responsablada finansiala dils singuls commembers ei expressivamein sclausa.

XII. Midada dils statuts

Art. 20

Midada
dils
statuts

- a) Midadas dils statuts succeda alla radunonza generala e quei sche duas tierzas dils presents cun dretg da vuschar ein persunter.
- b) Midadas dils statuts dall'uniun san sulettamein succeder, sch'ellas figureschan sin la gliesta da tractandas tier l'invitaziun.

XIII. Dissoluziun

Art. 21

Disso-
luziun

- a) L'uniun sa vegnir sliada mo entras conclus dalla radunonza generala e quei sche duas tierzas dils presents cun dretg da vuschar ein persunter.
- b) En in tal cass duei igl entir inventari e la facultad senza tscheins vegnir surdada ad ina uniun cul medem ni semeglient intent. Ina repartiziun dalla facultad als commembers ei exclausa.

XIV. Determinaziuns finalas

Art. 22

Il statuts remplazzan ils statuts dils 29 d'uost 2008 e van en vigur cun l'approbaziun entras la radunonza generala.

Vigur

Cun questa revisiun semida il num dall'uniun Forum Cultural Internaziunal Disentis/Mustér en Forum Intercultural Mustér.

La noziun d'entochen ussa ei vinavon valeivla aschilunsch ch'ella pertucca cunvegnientschas ni contracts existents (Fundaziun Convivenza).

1. Revisiun entras la radunonza generala ils 17-04-2013
2. Revisiun entras la radunonza generala ils 19-04-2017

Disentis/Mustér, ils 19 d'avrel 2017


Jacinta Jacomet-Lombriser
presidenta


Adrian Pally
vizepresident